



Jara & Wine 2024

S'Amministratzioni Comunali de Gésturi e sa Pro Loco de Gésturi faint isciri a totu sa populatzioni, is privaus, is assótzius, is artesanus e is chi bendint coxinu típicu e de sa traditzioni, ca si bolint partetzi-pai a su cuncordu de is logus de tastu po su merí de "Jara & Wine", chi s'at a fai su 5 de su mesi de La-dàmini 2024, a partiri de is 6 de merí, ca in sa setzioni "ALLIÓNGIUS" de sa pàgina

- <https://www.comune.gesturi.su.it/novita/jara-wine-2024-punti-di-ristoro/>

e in s'Ufftziiu Protocolu funt disponíbbilis is móculus po intregai is domandas de partetzipatzioni. Is Ufftziius ant a arriciri is domandas finas a su 27 de Cabudanni 2024.

Sa manifestatzioni "Jara & Wine" de ocannu est sa segundu editzioni e sa bidda de Gésturi, prexada po cumenti est andata sa de s'annu passau, est giai cuncordendi totu po arriciri bisitadoris e turistas e ponni in ammostu is liconias de su territóriu suu.

Difatis s'Amministratzioni, sèmpiri impari a sa Pro Loco, e a sa FISAR de su Campidanu de Mesu, ant cuncordau unu bellu programma cun sa preséntzia de paraderis, bendidoris de artesanau e de produtus traditzionalis localis, logus aundi tastai cosas de papai traditzionali, e fintzas coxinu de istrada (su chi in ingresu narant "street food"); in prus, s'ant a podi bisitai is Domus Istóricas e ddoi ant a èssiri a disponimentu seti Cantinas aundi s'ant a podi tastai is binus istravanaus de su territóriu, cun sa

ghia de is Sommelier, est a narri is tastadoris de binu, de sa FISAR de su Campidanu de Mesu. A acumpangiai is bisitadoris, s'alirghia de sa música chi at a sonai totu su mericeddu.

Billetus:

- 4 tastus + càlixu + sachita: € 15,00;
- 1 tastu + càlixu + sachita: € 5,00

Duncas, su 5 de su Mesi de Ladàmini, no pigheis àterus impínnius e andai a Gésturi!

Po ndi isciri de prus, podeis bisitai fintzas sa pàgina Facebook de s'eventu:

- <https://www.facebook.com/events/547607397955342/>

SA MARMIDDA CHISTIONAT IN SARDU - Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.